

MUSEO HISTORICO ARUBANO CUMPLIENDO 10 AÑA

ORANJESTAD (AAN): Dia 23 di Augustus 1984, esta 10 aña pasa, Princesa Magriet a efectua e acto di apertura di Museo Historico. Esaki ta situa den Fort Zoutman/Willem III Toren.

Desde Maart 1992 e maneho di Museo Historico Arubano a pasa di man di Stichting Cultureel Centrum pa Fundacion Museo Arubano. Museo ta un parti hopi importante di nos cultural, ya cu e ta un di e lugarnan caminda por warda y expone nos patrimonio cultural.

Un di e metanan di Fundacion Museo Arubano ta restauracion y reorganizacion di e Museo Historico. Cu

ayudo financiero di Prins Bernhard Fonds a cuminza cu e parti di restauracion. Al momento ta buscando financiamiento pa caba cu e trabonan di restauracion y cuminza cu e parti di reorganizacion, parti di e reorganizacion ta pa atrae un conservator.

Como cu e prome lustro di e Museo ta algo pa celebra, DIARIO a compronde cu awe 23 di Augustus e entrada ta completamente gratis. Tambe e prome 20 bishitantenan lo haya 1 T-Shirt di Museo regalo.

Pues haci uso di e oportunidad aki! Bishita e Museo Historico Arubano awe.